

BOSNA I HERCEGOVINA  
FEDERACIJA BOSNE I  
HERCEGOVINE  
TUZLANSKI KANTON  
OPĆINA BANOVIĆI  
OPĆINSKI NAČELNIK



БОСНА И ХЕРЦЕГОВИНА  
ФЕДЕРАЦИЈА БОСНЕ И  
ХЕРЦЕГОВИНЕ  
ТУЗЛАНСКИ КАНТОН  
ОПЋИНА БАНОВИЋИ  
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel:00387 35 743 400, Fax:00387 35 743 433, e-mail:opcina@banovici.gov.ba, Web:www.banovici.gov.ba

Broj: 01-05-651/17- 10

Datum: 13. 04. 2017. godine

Na osnovu člana 64. stav 1. tačka b., člana 70. stavovi 1., 3. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05 ) člana 15. Zakona o principima lokalne samouprave u Federaciji Bosne i Hercegovine („ Službene novine FBiH“ broj 49/06) člana 42. Statuta Općine Banovići ( Službeni glasnik općine Banovići broj 3/08) i Preporuke Komisije za javnu nabavku, broj: 01-05-651/17-9 od 12. 04. 2017. godine u postupku javne nabavke radova „Izvođenje dodatnih radova na regulaciji Radinskog potoka“ Općinski načelnik donosi

## **ODLUKU O IZBORU NAJPOVOLJNIJEG PONUĐAČA**

### **Član 1.**

Prihvata se Preporuka Komisije za javnu nabavke broj: 01-05-651/17- 9 od 12. 04. 2017. godine i Ugovor za javnu nabavku radova „Izvođenje dodatnih radova na regulaciji Radinskog potoka“ dodjeljuje se ponuđaču „GRADNJA 1“ d.o.o. Tešanj sa sjedištem u Tešnju, Rosulje bb, Jelah Tešanj, u skladu sa konačnom ponudom broj: 01-P-25/17, za ponuđenu cijenu od 12.238,70 bez obračunatog PDV-a koji je ponudio prihvatljivu ponudu.

### **Član 2.**

Prijedlog Ugovora o nabavci radova dostavit će se na potpis izabranom ponuđaču iz člana 1. Ove Odluke istovremeno sa slanjem Odluke o izboru najpovoljnijeg ponuđača.

Rok mirovanja se ne primjenjuje, budući da je u postupku sudjelovao jedan ponuditelj, čija je ponuda ujedno i odabrana, a sve u skladu sa članom 98. stavak 2. točka a. Zakona o javnim nabavkama (Službeni glasnik BiH broj 39/14).

### **Član 3**

Ova Odluka stupa na snagu danom donošenja i objavit će se na internet stranici [www.banovici.gov.ba](http://www.banovici.gov.ba) istovremeno s upućivanjem Odluke ponuđaču koji je učestvovao u postupku javne nabavke, u skladu sa članom 71. stav 6. Zakona o javnim nabavkama ( Službeni glasnik Bosne i Hercegovine, broj 39/14).

### **o b r a z l o Ź e n j e**

Općina Banovići je u skladu sa Posebnom odlukom o pokretanju postupka nabavke izvođenja dodatnih radova na regulaciji Radinskog potoka putem pregovaračkog postupka bez objave obavještenja o javnoj nabavci broj: 01-05-651/17 od 04. 04. 2017. godine donesenom od strane

ovog organa pokrenula pregovarački postupak bez objave obavještenja o nabavci za postupak javne nabavke radova „Izvođenje dodatnih radova na regulaciji Radinskog potoka“ u skladu sa članom 24. stav 1. tačka a) Zakona o javnim nabavkama ( Službeni glasnik BiH broj 39/14) sa ponuđačem „GRADNJA 1“ d.o.o. Tešanj sa sjedištem u Tešnju, Rosulje bb, Jelah Tešanj, te Tendersku dokumentaciju uz poziv za dostavljanje zahtjeva za učešće, dostavila ponuđaču „GRADNJA 1“ d.o.o. Tešanj sa sjedištem u Tešnju, Rosulje bb, Jelah Tešanj.

Potreba za provođenjem ovog postupka javne nabavke inicirana je od Službe za planiranje, razvoj i poduzetništvo općine Banovići i Nadzornog organa „Tanović“ d.o.o. Banovići iz osnovnog ugovora broj 01-05-1181/16 od 22.07.2016. godine iz čijih zahtjeva proizilazi da je prilikom izvođenja radova iz osnovnog ugovora došlo do pojave nepredviđenih radova koji se odnose na mašinski iskop materijala, utovar i odvoz istog, te nabavku, dovoz i ugradnju šljunčanog tampona sa nabijanjem .U zahtjevu su opisane vrste dodatnih radova i procijenjene količine te obrzaloženo da su dodatni građevinski radovi na objektu neophodni kako bi se regulacija pravilno i potpuno izvršila.

Nakon razmatranja obrazloženog prijedloga predlagača o potrebi izvođenja dodatnih radova donesena je predmetna Odluka.

Procijenjena vrijednost javne nabavke bez PDV-a je 12. 500,00 KM.

U skladu sa članom 28. stav 4. Zakona o javnim nabavkama ugovorni organ je na svojoj internet stranici [www.banovici.gov.ba](http://www.banovici.gov.ba) objavio namjeru vođenja pregovora bez objave obavještenja.

Zakonski osnov za provođenje ove vrste postupka javne nabavke temelji se na članu 24. stav 1. tačka a) Zakona o javnim nabavkama ( Službeni glasnik BiH broj 39/14) u kojem je navedeno da u slučaju ugovora o javnoj nabavci radova za dodatne radove koji nisu uključeni u prvobitno razmatrani projekat ili u prvobitno zaključeni ugovor, ali koji usljed nepredviđenih okolnosti, postanu neophodni za izvršenje ili izvođenje u njima opisanih radova, i kada se takvi dodatni radovi ne mogu, tehnički ili ekonomski odvojiti od osnovnog ugovora bez većih nepogodnosti za ugovorni organ. Takav ugovor može se zaključiti sa dobavljačem kojem je dodijeljen osnovni ugovor, a ukupna vrijednost ugovora dodijeljenih za dodatne radove ne može preći 20% od vrijednosti osnovnog ugovora.

Obzirom na utvrđeni zakonski osnov za provođenje ove vrste postupka javne nabavke prilikom pripreme tenderske dokumentacije utvrđeni su uslovi za kvalifikaciju, predviđeno fazno provođenje postupka ( faza kvalifikacije, faza podnošenja početnih ponuda i pregovora i faza podnošenja konačne ponude).

Ponuđač je u skladu sa Tenderskom dokumentacijom do utvrđenog krajnjeg roka za dostavu zahtjeva za učešće dostavio zahtjev za učešće i potrebne dokumente za kvalifikaciju.

Nakon analize kvalifikovanosti ponuđača, a na preporuku Komisije za javnu nabavku donesena je Odluka o rezultatima kvalifikacije broj 01-05-651/17-3 od 07.04.2017.godine i kao kvalifikovani ponuđač, Ponuđač „GRADNJA 1“ d.o.o. Tešanj pozvan je da podnese početnu ponudu i na pregovore.

Komisija je izvršila ocjenu početne ponude i obavila pregovore sa pozvanim ponuđačem te ovom organu dostavila, Zapisnik o pregledu i ocjeni početne ponude sa preporukom da se predmetnom ponuđaču dostavi poziv za dostavljanje konačne ponude u skladu sa obavljenim pregovorima.

Slijedom navedenog, a nakon dostavljanja konačne ponude ista je od strane Komisije ocijenjena prihvatljivom te je Komisija za javne nabavke imenovana rješenjem broj: 01-05-91/16 od 18. 1. 2016. godine, ovom organu dostavila je dana 12. 04. 2017. godine, Zapisnik o pregledu i ocjeni konačne ponude u pregovaračkom postupku bez objave obavještenja o nabavci broj 01-05-651/17-8 od 12.04.2017. godine u postupku javne nabavke radova „Izvođenje dodatnih radova na regulaciji Radinskog potoka“ i Preporuku o izboru najpovoljnijeg ponuđača broj: 01-05-651/17-9 od 12. 04. 2017. godine u postupku javne nabavke radova „Izvođenje dodatnih radova na regulaciji Radinskog potoka“

U postupku je utvrđeno da je Komisija za javnu nabavku u svakoj fazi postupka ( faza kvalifikacije, faza dostavljanja početne ponude i pregovora te faza dostavljanja konačne ponude) blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda 1 (jedna),
- da je blagovremeno zaprimljena (jedna) ponuda,
- da nema neblagovremenih ponuda,
- da je ponuda Ponuđača „GRADNJA 1“ d.o.o. Tešanj sa sjedištem u Tešnju, Rosulje bb, Jelah Tešanj, broj u svakoj od tri faze ocijenjena kao prihvatljiva.

Iz dostavljenog zapisnika o ocjeni konačne ponude proizilazi da Ponuđač dostavio konačnu ponudu broj 01-P-25/17 za izvođenje dodatnih radova na regulaciji rijeke Litve, za radove prema tehničkoj specifikaciji i ponudio cijenu 12.238,70 KM bez obračunatog PDV-a.

Ponuđač nije ponudio popust.

Ukupna cijena ponude bez PDV-a iznosi 12.238,70 KM.

Komisija je analizom pristigle ponude, utvrdila da je ista prihvatljiva, da sadrži sve elemente zadane tenderskom dokumentacijom i da je ponuđena cijena prihvatljiva i tržišno realna te da cijena dodatnih radova ne izlazi iz okvira dopuštenih 20% vrijednosti osnovnog ugovora ( dodatni radovi iz člana 24. stav 1 tačka a)) čija je vrijednost 309. 350,09 KM bez PDV-a. .

Komisija je u skladu sa pravilima TD i nakon analize uslova kvalificiranosti Ponuđača i prihvatljivosti dostavljene ponude s aspekta tehničke specifikacije, cijene i drugih pokazatelja konstatovala da je ponuda u svim aspektima prihvatljiva. Ovakav stav prihvatljiv je i ovom organu.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude( početne i konačne), shodno zakonu i kriterijima iz Tenderske dokumentacije.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Rok mirovanja se ne primjenjuje, budući da je u postupku sudjelovao jedan ponuditelj, čija je ponuda ujedno i odabrana, a sve u skladu sa članom 98. stavak 2. tačka a) Zakona o javnim nabavkama (Službeni glasnik BiH broj 39/14).

Iz navedenih razloga, ovaj organ je prihvatio preporuku Komisije i donio Odluku kao u dispozitivu.

## **POUKA O PRAVNOM LIJEKU**

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 30 dana od dana objave obavještenja o dodjeli ugovora. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

### **DOSTAVITI:**

1x Ponuđaču

1x U spis

1x a/a



**OPĆINSKI NAČELNIK**

**Midhat Husić**